

Serbski institut Sorbisches Institut

PŘIPOWĚZENJE

Syć młodych akademikarjow-sorabistow

9.-11. junija 2017, Budyšin

Serbski institut přeprošuje wědomostny dorost na zetkanje do Budyšina. W srjedźišću zetkanja stejitej interdisciplinarna wuměna kaž tež zwjazowanje slědžerkow a slědžerjow, kotřiž so ze Serbami pod regionalnym abo specifisko-tematiskim widom zaběraja resp. tajke dźěło planuja. Witane su přinoški z wšelakich wědomostnych předmjetow, to rěka z rěčespyta, kulturnych wědomosćow a stawiznow runje tak kaž transdisciplinarne předewzaća z přirunowanskich mjeńšinowych slědženjow abo z wobłuka digital humanities.

Dwudnjowska dźělarnička skića wobdźělnicam a wobdźělnikam składnosć, swoje slědženja předstajić a diskutować. Štóz chce swój slědženski projekt prezentować (na př. bachelorske, masterske, magisterske resp. doktorske dźěło abo post-doc-projekt), njech prošu bórže načisk swojeho dźěla (maksimalnje jednu A4-stronu) zhromadnje z krótkim žiwjenjoběhom (inkl. informacije wědomostneho předmjeta, městnosće skutkowanja a tučasneho dźěloweho čěžišća) zapoda.

Nimo toho ma zetkanje k tomu přinošować, na zakładze předstajenych slědženjow wo wutworjenju sorabistiskeje syće z wida dorosta přemyslować. Tak hodźało so wo wuměnjach a perspektiwach interdisciplinarneho zhromadneho dźěla diskutować. Namjety za diskusijne koła su witane!

Zetkanje wotměje so w hornjo- a delnjoserbskej, němskej a jendźelskej rěči.

Kóšty:

Poplatk na wosobu je 15 eurow. Někotre darmotne městna k přenocowanju steja k dispoziciji. Jězbnje wudawki so bohužel narunać njemóža.

Kontakt a přizjewjenje:

Zajimcy přizjewja so prošu hač do 31. nalětnika 2017 pola dr. Theresy Jacobsoweje pod theresa.jacobsowa@serbski-institut.de.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnosorbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**